

Date – 29/01/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Mizoram Budget Session chu thla thar ni 19 a tan a ni dawn.
- Chief Minister Pu Lalduhoma'n hmasawna hna tam zawk thawk thei turin state own revenue tam zawk an mamawh thu a sawi.
- Ninnin tlai khan National Games vawi 38-na chu Dehradun-a Maharana Pratap Stadium ah Prime Ministerr Narendra Modia'n a hawng.
- Parliament Budget Session lo awm tur pualin sawrkar chuan naktuk hian political party tin aiawh inhmukhawm a ko.

<><><>

BUDGET SESSION

Mizoram Budget Session chu thla thar ni 19 a tan a ni dawn.

Session kohna hi Governor Gen Rtd (Dr) Vijay Kumar Singh-a'n nimin khan tichhuakin, session neih hun chung tur leh neih dan tur te chu Assembly Business Advisory Committee –in a la rel ang.

<><><>

EX CM MET GOVERNOR

Chief Minister hlui, MNF President Pu Zoramthangan nimin khan Governor Gen (Dr) VK Singh chu Raj Bhavan-ah tlawhin an inkawm a.

He hunah hian Pu Zoramthanga chuan Governor hi duhsakna a hlan a. Mizoram tana pawimawh leh tul hrang hrangte an sawidun a ni.

Nimin vek khan 23 Sector Assam Rifles DIG Brig Girish Upadhyia leh Director & Head Meteorological Centre, Aizawl Pu Sudheer Kumar Dwivedi ten Governor hi an kawm bawk a ni.



CM

Chief Minister Pu Lalduhoma'n hmasawna hna tam zawk thawk thei turin state own revenue tam zawk an mamawh thu a sawi.

Chief Minister chuan a social media Instagram account kaltlangin he thu hi sawiin State sawrkarin sum fai tum tur a neih chuan central pawisa a hailuh theih a ti a, Central scheme tam zawk chu sawrkar laipui leh state sawrkar te intum sem thin ani tih sawiin central in za zela 90 a tum a, state sawrkarin za zela 10 a tum thin tih a sawi.

Chief Minister dan anga chhiah lakkhawm chu hmasawna ke chheh hmasa a ni a ti a, Sawrkar sum hnar chu chhiah a ni tih sawiin an sawrkar hnuah chhiah lak khawm lamah hma an sawn hle a ti a, Hmasawn zel theihna remchang tam tak a la awm tih sawiin theihtawp chuah zel an tum a ti a, Chak lehzuala ke an pen theih nan Taxation Department chu an thuum tha mek tih a sawi bawk.



FIRE

Mizoram Fire and Emergency Services-te chhinchhiah danin nikum 2024 chhungin Mizoram chhungah kangmei tum 113 a chhuak.

Fire and Emergency Services hotuten Akashvani News-an hriih danin nikum chhung khan ram kang hmun 45-ah a awm a , in kang 40 awmin lirthei leh leh thil dang kang 28 a awm a, kangmei chhuak avang hian mi pakhatin nunna a chan a ni.

Akashvani correspondent zawhna chhangin Fire and Emergency Services hotute chuan nikum chhunga kangmei chhuak avanga bungrua leh in kang ral hlutna chu a vai a chhutin, cheng nuai za kua sawmli pahnih, sing hnih sang li leh za thum sawmhnih pahnih a nih thu an sawi bawk.

VOICE CAST : Mizoram Fire and Emergency Services hotute chuan kangmei laka kan him tlan theihna atan mitin ten in chhuahsan hma leh zan mut hma in kangmei ti chhuak maithei thil a awm leh awmlah enfel hmasak ziah a pawimawh thu te, eirawngbawlna gas hman kawngah gas leak hmang lui lova regulator off ziah thin a pawimawh thu te, parda thosilen leh puan zar bul hnaiah mombati chhieh loh a him ber thute bakah kangmei tichhuak thei tuialhtheite fimkhur taka hman a mei bul hnai a dah loh tur leh a dahna bur phui taka chhin that a paimawh thu te an sawi bawk.
John Vanlalchhuanga, Akashvani, News Aizawl.



HEALTH MINISTER

Health & Family Welfare Minister Pi Lalrinpuin Mara Autinonomous District Council a tlawh a, nimin khan Chief Executive Member (CEM) Pu M Laikaw leh a thawhpuiten an lo dawngsawng.

Health Minister Pi Lalrinpuii chuan MADC hotute chu Siaha District mipuite tan theihtawp chhuah puiah a sawm a. Siaha District chhunga a department hnuai project hrang hrang hmalaknate tarlangin hmasawna rotling thlentu a nih ngei a beisei thu a sawi. An mamawhte theihtawpa ngaihven pui tur leh hmalakpui zel a tum thu a sawi a, Project an theihluh tur te pawh a bawhzui pui zel tur thu a sawi bawh a ni.

CEM Pu M Laikaw chuan kumthar 2025 a Minister lo tlawhtu hmasa ber a nih avangin lawmthu a sawi a, ram leh hnam tan tha taka thawhho puiah a sawm a. Siaha District in a mamawh hrang hrang a tarlang a, District Hospitala Doctor leh nurse indaihloh thu te, ICU function theiloh a la awm thu te, Urban Public Health Centre chungchangte, Siaha-a nursing school chungchangte, MCHP O-pi (Drop in centre) te leh De addict centre/ rehabilitation centre bakah tul leh pawimawh dangte lo sawipuiin hmalak pui turin a ngen a, Siaha District tan rah tha chhuahin hmasawna tluantlung a thlen ngei a beisei thu a sawi.

MADC CEM Pu M Laikaw bakah Executive Member-te leh Member of District Council-te nen inkawmhona an nei a, Siaha District hmasawna tur hrang hrang relhoin hmasawna rualrem taka sem a nih theih nan tul leh pawimawhte an sawiho a ni.



MIZORAM TURMERIC DATA

Mizoram chhungah kum 2024 chhungin aieng quintal 7817 leh kg 155 chin a ni a, quintal 81,609 leh kg 9 thar chhuah beisei a ni.

Agriculture Department chhinchhiah danin Mizoram chhunga aieng chinna atan hian ram acre 4282 leh bigha 6 hman a ni a, Mizoram pum anga chhutin chhungkaw 3415 ten ai eng hi an ching a ni.

Mizoram district hrang hrang zingah aieng hi Kolasib District-a chhungkaw 449 te chuan quintal 637 leh kg 64 an ching a, quintal 4749 leh kg 8 thar chhuah beisei a ni a, Saitual District a chhungkaw 299 te pawhin aieng hi quintal 486 leh kg 81 an chin bakah quintal 2801 leh kg 2 thar chhuah beisei a ni bawh.

Mizoram chhunga district paruk Champhai, Siaha, Serchhip, Lawngtlai, Mamit leh Khawzawl ah te chhungkaw 1158 in ai eng quintal 2,115 leh kg 23 an chinah quintal 42,970 leh kg 88 thar chhuah beisei a ni bawh.

Voice Cast : Juliana Lalmuanpuii

Mizoram chhunga a district ang zawnga aieng ching hnem ber chu Lunglei district an ni a, Lunglei district chhungah hian chhungkaw 892 ten aieng quintal 3,565 leh kg 18 an chinah quintal 23,368 leh kg 51 thar chhuah beisei a ni a. aieng ching tlem ber distict chu Hnanthial District niin chhungkaw 70 ten aieng quintal 103 leh kg 85 an chinah quintal 521 tharchhuah beisei a ni bawh.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

SERICULTURE DEPARTMENT REVIEW MEETING

Sericulture Secretary Pi Florence Zotluangpuii hovin nimin khan Sericulture Department a thawk Officer ten Silk Samagra 2 hnuiaia project an thawh mek chungchang sawiho in Sericulture Training Institute Conference Hall ah an thukhawm.

He review Meeting hi Secretary in a kaihruai a, Director Pu V. Zothansanga chuan kum 2024 atanga kum 2025 chhunga Department hmalakna leh hlawhtinna hrang hrang a sawi bakah district hrang hrang atanga report ngaihthlak a ni a, hmasawna tura hmachhawp hrang hrang sawiho a ni bawk.

Sericulture Department hnuiaia Project thawh mekte hi Silk Samagra 2 Scheme hnuiaia mi niin kumin 2025 chhunga thawh zawh tura ruahman a ni a, Secretary Pi Florence Zotluangpuii chuan thawktu Department officer te chu fuih tharin Project hrang hrang te hlawhtling taka thawh anih theih nana tan la thar tura chah in Mizoram sawrkar flagship program Bana Kaih a hlawhtlin ngei theih nana theihtawp chhuah turin a chah a ni.

Thutkhawm zawhah hian Sericulture Department Secretary Pi Florence Zotluangpuii hian STI Zemabawk-a pangang chi siamna hmun leh Reeling & Spinning Factory a tlawh nghal a ni.

<><><>

NATIONAL GAMES

Nimnin khan National Games wawi 38-na chu Dehradun-a Maharana Pratap Stadium ah Prime Ministerr Narendra Modia'n a hawng.

Thusawiin Prime Minister Narendra Modia chuan National Games chu intawhkhawm ropui ram inpumkhatna pholanna dawhsan lian tak a ni a ti a. Kum 2036 Olympics thleng turin PM Modia chuan theihtawpin an nawr tih a sawi bawk a ni.

He hunah hian sawrkar mi pawimawh tak tak Union Minister te, Indian Olympics Associatin hotute leh infiammite an tel a ni.

National Games ah hian Mizoram Olympic Association (MOA) Mizoram atangin infiammi 66 leh team enkawltu (coach/manager) 20 leh Contingent Official 4, an vaiin mi 90 an tel a.

Tun tum inelnaah hian medal awmna discipline 32 leh infiamna enchhin 'Demonstration Sports' 4 a awm. Mizoram chu discipline 11-a tel turin an tling a, chungte chu - athletics, archery, boxing, cycling, football (mipa), hockey

(hmeichhia), judo, taekwondo, weightlifting, wrestling leh wushu te an ni a. heng bakah hian wildcard hmangin aquatics-ah Mizoram hi an tel bawk.

Ruahman dan chuan National Games hi February 14 thleng neih a ni dawn a, India ram hmun hrang hrang atangin infiammi 11,340 vel an tel tura beisei a ni.

<><><>

ALL PARTY MEETING

Parliament Budget Session lo awm tur pualin sawrkar chuan naktuk hian political party tin aiawh inhmukhawm a ko. Puan tawh angin Budget session hi Zirtawpni hian tan tur a ni a. Inrinniah Union Finance Minister Nirmala Sitharaman-i chuan Union Budget 2025-26 Parliament ah a pharh ang.

<><><>

DELHI ASSEMBLY

Delhi Assembly inthlan campaign chuan a vawrtawp a thleng chho tan a. BJP, Aam Aadmi Party leh Congress hruaituten khawpui chhung hmun hrang hrangah vantlang inkhawm leh kawngzawh neiin mipuite vote hui tumin theihtawp an chhuah a. Puan tawh angin February ni 5 ah vote thlak tur a ni a. February ni 8 ah vote chhiar a ni ang.

<><><>